



29 November 2017
29 November 2017
P.U. (A) 370

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN BANTUAN GUAMAN (KRITERIA DAN UJIAN KEMAMPUAN) 2017

LEGAL AID (CRITERIA AND MEANS TEST) REGULATIONS 2017

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA BANTUAN GUAMAN 1971

PERATURAN-PERATURAN BANTUAN GUAMAN
(KRITERIA DAN UJIAN KEMAMPUAN) 2017

PADA menjalankan kuasa yang diberikan oleh subseksyen 32(1) Akta Bantuan Guaman 1971 [*Akta 26*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Bantuan Guaman (Kriteria dan Ujian Kemampuan) 2017**.

(2) Peraturan-Peraturan ini mula berkuat kuasa pada 1 Disember 2017.

Tafsiran

2. Dalam Peraturan-Peraturan ini, “sumber kewangan” ertinya gaji, elaun, pencen, ganjaran dan apa-apa wang lain yang diterima dalam tahun semasa.

Kriteria bagi pemberian perakuan bantuan guaman

3. Mana-mana orang layak memohon untuk dipertimbangkan bagi suatu pemberian perakuan bantuan guaman dalam tindakan sivil, jika Ketua Pengarah Bantuan Guaman berpuas hati bahawa orang itu memenuhi kriteria yang berikut:

(a) bagi perenggan 15(2)(b) Akta, orang itu lulus ujian kemampuan yang dijalankan ke atasnya dan dikategorikan di bawah perenggan 4(4)(a);

(b) bagi perenggan 16(1)(b) Akta, orang itu lulus ujian kemampuan yang dijalankan ke atasnya dan dikategorikan di bawah perenggan 4(4)(b) hingga (f);

- (c) orang itu berpotensi untuk mendapatkan bantuan daripada pihak lain bagi membiayai khidmat guamannya, tetapi atas sebab yang munasabah, tidak mendapat bantuan itu;
- (d) prosiding yang hendak dibawa oleh orang itu memberi manfaat hanya kepada orang itu dan tiada orang lain yang semunasabahnya dijangka mendapat manfaat daripada prosiding itu;
- (e) orang itu tidak dapat menyelesaikan prosiding yang bantuan guaman dipohon, tanpa mendapatkan khidmat guaman; dan
- (f) orang itu memohon khidmat bantuan guaman yang prosiding tidak termasuk dalam hal keadaan yang boleh membawa kerumitan yang tidak munasabah kepada Ketua Pengarah Bantuan Guaman dalam menjalankan prosiding itu.

Ujian kemampuan

4. (1) Sebelum penentuan bagi kelayakan seseorang itu untuk mendapatkan khidmat bantuan guaman dalam tindakan sivil dibuat, suatu ujian kemampuan hendaklah dijalankan ke atas orang itu yang orang itu dikehendaki untuk—

- (a) menyatakan maklumat yang lengkap berkenaan dengan sumber kewangan dan tanggungan orang itu dalam borang ujian kemampuan yang ditentukan oleh Ketua Pengarah Bantuan Guaman; dan
- (b) menyediakan dokumen sokongan bagi sumber kewangan dan tanggungan sebagaimana yang dinyatakan dalam borang ujian kemampuan.

(2) Setelah melengkapkan borang ujian kemampuan, borang itu hendaklah dikemukakan kepada Ketua Pengarah Bantuan Guaman bersama dengan semua dokumen yang berkaitan yang berhubungan dengan sumber kewangan dan tanggungan orang itu.

(3) Setelah menerima borang ujian kemampuan itu, Ketua Pengarah Bantuan Guaman hendaklah menentukan kemampuan orang itu dengan mengambil kira tanggungan orang itu sebagaimana yang dinyatakan dalam Jadual dengan merujuk kepada dokumen sokongan yang dikemukakan oleh orang itu.

(4) Penilaian ujian kemampuan bagi orang itu ditentukan mengikut kategori yang berikut:

- (a) sumber kewangan tahunan yang berjumlah RM30,000 dan ke bawah;
- (b) sumber kewangan tahunan yang berjumlah RM30,001 hingga RM35,000;
- (c) sumber kewangan tahunan yang berjumlah RM35,001 hingga RM40,000;
- (d) sumber kewangan tahunan yang berjumlah RM40,001 hingga RM45,000;
- (e) sumber kewangan tahunan yang berjumlah RM45,001 hingga RM50,000; dan
- (f) sumber kewangan tahunan yang berjumlah RM50,001 dan ke atas.

(5) Kecuali bagi orang itu di bawah kategori yang dinyatakan dalam perenggan 4(a), setiap orang di bawah kategori yang dinyatakan dalam subperaturan (4) akan dikenakan suatu amaun sumbangan sebagaimana yang ditetapkan dalam Jadual Kedua kepada Peraturan-Peraturan Bantuan Guaman (Fi dan Sumbangan) 2017 [P.U. (A) 371/2017].

(6) Walau apa pun peraturan ini, dalam menjalankan ujian kemampuan, Ketua Pengarah Bantuan Guaman boleh, jika difikirkannya patut, mengarahkan orang